



Na osnovu člana 64. stav (1). tačka b), 65., 70. i 72. stav (3) tačka e) Zakona o javnim nabavkama Bosne i Hercegovine („Službeni glasnik BiH“, broj 39/14 i broj 59/22“) a u skladu sa Izvještajem o toku i završetku e-aukcije od 29.01.2024. godine, direktor donosi:

**O D L U K U**  
**o izboru trećerangiranog ponuđača za:**  
**LOT 1: NABAVKA PROMO DUKSERICA**

**Član 1.**

Odluka o izboru drugorangiranog ponuđača broj: 1128/24 od 14.03.2024. godine za javnu nabavku robe „NABAVKA DUKSERICA ZA EUROPA KUP“ - LOT 1: NABAVKA PROMO DUKSERICA kojom se ugovor dodjeljuje ponuđaču KM TRADE doo Visoko, **stavlja se van snage**.

**Član 2.**

Odluka o izboru najpovoljnijeg ponuđača za javnu nabavku roba “ NABAVKA DUKSERICA ZA EUROPA KUP“ - LOT 1: NABAVKA PROMO DUKSERICA, dodjeljuje se trećerangiranom ponuđaču **OD KLUPKO Vogošća** za ponuđenu ukupnu vrijednost (nakon provedene e-aukcije) u iznosu od **4.892,40 KM** bez uključenog PDV-a.

**Član 3.**

Izabrani trećerangirani ponuđač **OD KLUPKO Vogošća**, nije dužan dostaviti dokaze predviđene članom 45. (tačka 10.1.3. TD) i članom 48. i 49. Zakona o javnim nabavkama obzirom da je iste dostavio uz ponudu.

**Član 4.**

Nakon pravosnažnosti ove Odluke, u krajnjem roku od 5 (pet) dana od dana kada su svi ponuđači obavješteni o izboru najpovoljnije ponude, ugovorni organ će pozvati izabranog ponuđača iz tačke 2. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku.

**Član 5.**

Ova odluka objavit će se na web-stranici [www.zoi84.ba](http://www.zoi84.ba), istovremeno s upućivanjem ponuđačima koji su sudjelovali u postupku javne nabavke.

**Član 6.**

Ova odluka stupa na snagu danom donošenja.

**O b r a z l o ž e n j e**

Na osnovu Odluke o pokretanju postupka javne nabavke roba, broj: 179/24 od 11.01.2024. godine provedena je javna nabavka: “ NABAVKA DUKSERICA ZA EUROPA KUP“ - LOT 1: NABAVKA PROMO DUKSERICA putem konkurentskog zahtjeva, obavještenje o nabavci broj 707-7-1-7-3-18/24 objavljeno dana 11.01.2024. godine.

Procjenjena vrijednost nabavke za Lot 1 je iznosila **6.800,00 KM** bez uključenog PDV-a.

Za provođenje postupka javne nabavke ugovorni organ je Rješenjem broj: 180/24 od 11.01.2024. godine imenovao Komisiju od 3 (tri) člana.

Komisija za javnu nabavku je nakon provođenja e-aukcije sačinila Zapisnik o ocjeni ponuda broj: 476/24 od 29.01.2024. godine sa preporukom o izboru najpovoljnijeg ponuđača u postupku javne nabavke " NABAVKA DUKSERICA ZA EUROPA KUP" - LOT 1: NABAVKA PROMO DUKSERICA.

Na osnovu Zapisnika o ocjeni ponuda donešena je Odluka o izboru najpovoljnijeg ponuđača broj: 490/24 od 29.01.2024. godine kojom je za najpovoljnijeg ponuđača izabran „**INKOS**“ **EXPORT-IMPORT d.o.o. Kakanj** za ponuđenu ukupnu vrijednost od **3.200,00 KM** bez uključenog PDV-a, odnosno **3.744,00 KM** sa uračunatim PDV-om a nakon provedene e-aukcije.

Odluka o izboru najpovoljnijeg ponuđača zajedno sa Zapisnikom o ocjeni ponuda prosljeđena je odabranom ponuđaču „**INKOS**“ **EXPORT-IMPORT d.o.o. Kakanj**, kao i ponuđačima **OD KLUPKO Vogošća**, **OR KROJAČKI SALON „SAS“ Sarajevo**, **PANITEX d.o.o. Mokro**, i **KM TRADE d.o.o. Visoko** koji su učestvovali u postupku javne nabavke sa svojim ponudama.

Izabrani ponuđač „**INKOS**“ **EXPORT-IMPORT d.o.o. Kakanj** nije bio dužan dostaviti dokaze predviđene članom 45. Zakona o javnim nabavkama, obzirom da je iste dostavio uz ponudu.

Izabrani ponuđač „**INKOS**“ **EXPORT-IMPORT d.o.o. Kakanj** je dana 31.01.2024. godine potvrdio da je zaprimio Odluku o izboru najpovoljnijeg ponuđača, a nakon toga je dana 01.02.2024. godine dostavio putem email-a Obavijest u pisanoj formi u kojoj navodi da nije u mogućnosti potpisati ugovor o javnoj nabavci roba: LOT 1: NABAVKA PROMO DUKSERICA.

Stavlja se van snage Odluka o izboru najpovoljnijeg ponuđača „**INKOS**“ **EXPORT-IMPORT d.o.o. Kakanj**, broj: 490/24 od 29.01.2024. godine za javnu nabavku roba: LOT 1: NABAVKA PROMO DUKSERICA po osnovu člana 72. stav (3) tačka c) Zakona o javnim nabavkama Bosne i Hercegovine.

Donešena je Odluka o izboru drugorangiranog ponuđača broj: 1128/24 od 14.03.2024. godine i ista je prosljeđena dana 15.03.2024. godine drugorangiranom ponuđaču **KM TRADE d.o.o. Visoko**, koji je učestvovavao u postupku javne nabavke sa svojom ponudom, za javnu nabavku roba LOT 1: NABAVKA PROMO DUKSERICA i ugovor se dodjelio drugorangiranom ponuđaču **KM TRADE d.o.o. Visoko** u iznosu od 3.250,00 KM bez PDV-a.

Izabrani drugorangirani ponuđač **KM TRADE d.o.o. Visoko**, nije bio dužan dostaviti dokumente iz člana 45. stav (2) tačka a) Zakona o javnim nabavkama BiH, navedene u tački 5.1. tenderske dokumentacije broj: 181/24 od 11.01.2024. godine, kao ni i dokumentaciju/dokaze koja zadovoljava uslove iz tehničke i profesionalne sposobnosti iz člana 48. i 49. Zakona o javnim nabavkama navedene u tački 5.4., originale ili ovjerene kopije dokumenta jer je iste dostavio u ponudi.

Obzirom da je drugorangirani ponuđač **KM TRADE d.o.o. Visoko** propustio potpisati ugovor u ostavljenom mu roku, stavlja se van snage Odluka o izboru drugorangiranog ponuđača broj: 1128/24 od 14.03.2024. godine **KM TRADE d.o.o. Visoko**, za javnu nabavku roba: LOT 1: NABAVKA PROMO DUKSERICA po osnovu člana 72. stav (3) tačka e) Zakona o javnim nabavkama Bosne i Hercegovine.

Ugovorni organ je u skladu sa članom 72. stav 3 tačka e) ZJN stavio van snage Odluku o izboru drugorangiranog ponuđača broj: 1128/24 od 14.03.2024. godine, a prijedlog ugovora odlučio dostaviti ponuđaču čija je ponuda po rang listi odmah nakon drugorangiranog ponuđača - **OD KLUPKO Vogošća**, na način kao u dispozitivu ove Odluke.

## Pouka o pravnom lijeku

Protiv ove odluke može se izjaviti žalba Uredu za razmatranje žalbi putem ovog Ugovornog organa, najkasnije u roku od 5 (pet) dana od dana prijema ove odluke, na adresu Alipašina bb, ulaz E, 71000 Sarajevo, radnim danima od ponedjeljka do petka u radno vrijeme koje traje do 16,00 sati.

Broj: 1547/24

Datum: 15.04.2024. godine

JP ZOI'84 OCS d.o.o.

MP

Jasmin Mehić, direktor

Dostavljeno:

- ponuđačima u predmetnom postupku;
- web portal ugovornog organa
- a/a.